

Tuesday, March 17, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

MSACS NEW BUILDING

Health & Family Welfare minister Pi Lalrinpuii chuan vawiin khan Mizoram New Capital Complex-a UD&PA Directorate bulah Mizoram State AIDS Contral Society (MSACS) office building sak thar a hawng a; HIV/AIDS do kawngah hma lakpui turin Kohhran hrang hrang a sawm a ni.

Pi Lalrinpuii chuan, Mizoram chu India ramah HIV sanna ber state a ni a, minister nihna ang pawhin zahthlak tih chang a neih thin thu a sawi a, tunah hian theihtawpin a tlakhniam theihna turin hmalak a ni a, HIV vanga thi zat rate chu ART an lak that avangin a tlem thung, a ti.

HIV/AIDS hi fimkhur chuan kai darh hleihtheih loh, fimkhur loh erawh chuan darh hluai thei a nih thu sawiin Health Minister chuan, HIV/AIDS darh zel tur ven kawngah theihtawp chhuahpui turin kohhran tin a sawm a; HIV/AIDS darh zel tur ven nan leh a kai tawhten enkawl na tha an dawn theih nan Kohhran te hian innei thar tur reng rengte hnenah HIV kai leh kai loh finfiahna certificate phût se, chuchuan nasa taka a puiah theih a rin thu a sawi a ni.

MSACS Office building thar hi 'State Resource Centre for HIV/AIDS' tih a ni a; Ministry of Development of North Eastern Region (DONER) atanga hmuh cheng nuai 400 senga sak a ni.



WORLD CONSUMER RIGHTS DAY

World Consumer Rights Day pualin Food Civil Supplies & Consumer Affairs Department chuan Dawrpui Mulipurpose Centre-ah hun an hmang a, Supply minister Pu B. Lalchhanzova'n a hmanpuiin, consumer te dikna chanvo venhim kawngah mitmei ven tur a tam lutuk chuan hma a lak tak tak theih loh thu a sawi.

Pu B Lalchhanzova chuan, thil lei leh hralhnaa consumer te dikna chanvo humhalh tur chuan sumdawng liante nena in hnaih lutuk a that loh thu a sawi a, mipui dikna chanvo humhalh tura hmalaknaah mitmei ven tur a tam lutuk chuan hma a lak tak tak theih loh tih sawiin, consumer te dikna chanvo humhalhtu pawl hrang hrangte chu tanpui ngaite tan theihtawpa hma la zel turin a fuih a ni.

Theihtawpa buhfai bothlau an ven hnuah cheng vbc 138 vel sorkarah an thehlut tih sawiin Pu B Lalchhanzova chuan, theihpatawpa tanho chuan buk dik kalpui a nih thu leh buhfai bothlau a tlem tak thu a sawi a, chu chuan Mizoram economy a tih than thu a saw a ni.

Kumin World Consumer Rights Day thupui chu 'Safe products, confident consumers' tih a ni a, District hrang hrangah pawh he Ni pual hian hun hman a ni.



EARLY BIRD PROJECT

Assam Rifles chhuahsan ram Heritage Court tlangah Aizawl khawpui chei tharna hnathawh bul tanna lungphun Early Bird Project chu Chief Minister Pu Lalduhoman a hawng.

Chief Minister chuan thusawiin, he ram hman dan tur reltu Advisory Committee hi mipui huapzo pawl hrang hrangte telna a ni a ti a, he ram hman dan tura thu tlukna hi sorkar ruahmanna siam bik a ni lova mipui aiawh kal khawm te ruahmanna a nih zawk thu a sawi baw . Assam Rifles ram hman dan tur rawtna hi an dawng hnem hle a, tuna mi ang hian an pawm ta a, rawtna dang dawn belh mahse pawm an tum tawh lova, tuna mi hi an thutlukna tawp, ding reng tawh tur a ni a ti baw. He ram hman dan tur an duan fel tawh na-ah hian harsatna chin fel tur pakhat an neih thu sawiin , Mandir sawn an lo tumnaah remchan lohna a awm avangin a sawna tur dap a ngaih thu a sawi a ni.

Chief Minister chuan Bazar Bungkawna mimal leh pawlten ram an neih, Aizawl Square atana siam tura tiha ram neitute be turin palai an tir dawn a. Ram tan a ni tih hriaa rilru inhawng taka lo dawr turin ram neitute a ngen a ni a ti a. Assam Rifle chhuahsan ram hi kum 130 hnuah mipui tan hawn a ni ta chu a lawmawm hle a ni a ti.

UD & PA Minister Pu K Sapdanga pawhin thusawiin, ram hlutna a san zel laia mipuite'n hectare 17 ngawt mai hmun laili ah ram an nei chu a lawmawm hle a ni a ti a. Kum 50 kalta a UT inthlan hmasa berah khan Aizawl laili atanga Assam Rifle sawn chhuah hi sawi rik a lo ni tawh a, an chhuahsan theih nan hian party tinten hma an la vek a ti a. Vawiina sorkar chu an vannei a, an hunah a takin a lo thleng ta a ni, a ti.

Assam Rifles ram chei thatna tur Master Plan hi UD & PA chuan a duang a, ruahmanna an siamte chu Advisory Committee hmaah chhawp chhuah niin a tul angin an siam tha a. Advisory Committee-in a pawm tawh te bawhzuitu tur Steering Committee an awm leh a , Advisory Committee meeting neihte- Press Release hi I&PR website-ah dahchhuah zel thin an ni.

Ruahmanna tlangpuiah chuan Saron Veng, BCM Biak In atanga intanin chhuah lamah kawngpui laih tur a ni a, Dak Inpui bulah a chhuak tura ruahhman niin, kawngpui thar sial leh kawngpui awmsa chei nan cheng vbc 23 Cr dah a ni a ,sanction pawh hmuh tawh niin, PWD ten an thawk dawn a ni.

Nikum March ni 15 khan Assam Rifle ram hi official-a Mizoram sorkara hlanna neih a ni a. A kum khatna chamah a chei tharna hna kutthlak tanna neih a ni dawn ta a ni.

